

# kontuola

**KONTUOLA, Idolaz elkarte, ANTZUOLA. Kazetaria:** Marijo Deogracias **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 76 65 08, Herri ikastetxea.

*Antzuolako hamabostekaria, 13 zenbakia. 1998ko martxoaren 18a.*

## Umeak Bergarara pizinetara

60 bat antzuolar iaz Zumarraga eta Bergarako igerilekuetako bazkide

**J**oan zen asteen hasi ziren eskolako neska-mutikoak berriz ere Bergarara igerilekura joaten. Urtero joaten omen dira igeri egiten ikastera, nahiz eta eurak herriko igerilekuan aritzea nahiko luketen.


Aurten 72 ume hasi dira ikastaroan eta horietatik 16 neska-mutil lehenengo aldiz joaten dira. Eskolako irakasleek dioenez "4. mailarako ikasita irutzen badira ere, igarri egiten zaie urtean zehar ez direla uretan ibiltzen; joaten diren umeetako batzuei uretan ibiltzeko ohitura falta antzematen zaiela esan digute igerilekuko arduradunek".

Eskolako haurrez gain, badira herrian Bergarako Agorrosin igerilekuetara joaten direnak ere; iaz, batzuek beste hileko 40 lagun joaten ziren eta aurten 36. Zumarragako Izpila polikiroldegira ere joaten dira antzuolarrak; iaz 21 antzuolar egin ziren bazkide eta aurten 9 lagunek bete dute bazkide izateko txartela.

### Igerilekuak, aspaldiko proiektua

Antzuolako igerilekua eztabaida bat baino gehiago sortu duen gaia da. Mikel Larrea alkateak adierazi digunez, "Olarango etxearen ondoko etxebizitzaren proiektuan zona publiko bat egingo da eta pizinentzako leku aproposa izan daitekeela aurreikusitako dugu".

Udalak lehen ere aztertu izan du igerilekua egiteko asmoa, baina arrazoi bategatik edo beste bategatik, gauzatu ez den proiektu horietako bat da. Gipuzkoako Foru Aldundiak kirol ekipamenduen plana egin zuenean, udalak igerile-



*Eskolako umeak Bergarako pizininan.*

kuen eskaera egin zuen, baina Diputazioak ez zuen onartu. Udalak, hala ere, bere kezka ez ote litzatekeen hobe izango inguruko herrietako igerilekuetarako garraiobideak ipintzea, bertan pizini-

nak egitea baino. Mikelek azaldu digunez, "egitekotan ere irekiak izango lirateke, batez ere, kostu aldetik igerileku estaliak egitea gehiegizko kostua izango litzatekeelako udalarentzat".

■ ■ ■  
*Antzuolan pizinak egitekotan irekiak izango lirateke, estaliak garestiegiak liratekeelako*  
■ ■ ■



## Zuhaitz Eguna ospatzen



**Aitor Arrieta**

Orain dela 25-30 urte gure aitona-amonak dirua eman-go zietelakoan landatutako insignis pinuak botatzen ari dira gaur egun. Batzuek zelai eta basoetan pinu mota hori sartzen jarraitzen dute, baina badira beste zuhaitz mota batzuk sartzen dituztenak, egur hobe ematen duten zuhaitzak (douglassa, larizioa, haritz amerikarra...). Badira bertako zuhaitzak sartzen dituztenak ere, baina egurraren negozio horrek paisajearen duen eragina dela eta, zuhaitz eguna ospatzeko beharra ikusi dugu.

Egur hori guztia kontsumitzeaz gain, tropikoetatik datorren egurra ere kontsumitzen dugu (altzari, zoru, ate, musika tresna...). Afrika, Asia eta Hegoamerikatik datorren egurra esplotatu bakarrik egiten dute; inork ez ditu sartzen ateratzen diren arbola horien ordekoak. Gure garaian egin genuen moduan, hango basoei komeni zaizkie guk kontsumitzeko zuhaitz landaketak, nolabait basoak errekuiperatzeko. Baso horiei lagundu beharko genieke: 1.- Guk dihardugun moduan bertako landaretza erreproduzitzen erakutsi. 2.- Guk kontsumitzeko botatzen diren zuhaitzak landatu. 3.- Bertako nekazariari egurretik etekina ateratzen erakutsi, euren produktiotik bizi bitzen ikas dezaten.

Nire ustetan, denborarekin, tropikoetan ere zuhaitz eguna ospatu ahal izango dute.

# Ska gaua Gaztetxean

**Skalariak eta Arawak taldeak etorriko dira martxoaren 27an, Gaztetxearen 12. urteurrena dela eta antolatutako ska festara. 21:00etan hasiko da ska jaia eta kontzertua berriz, 23:00etan.**

Gaztetxeko arduradun berriek antolatzen duten bigarren kontzertua izango da datorren asteko zapatuan egingo dena. Arduradunek adierazi digutenez "ska tankerako dekoratuarekin erabat itxuraldatuko dugu Gaztetxea gau horretan, giro aproposa sortzeko". Iaz herriko jailetan egon ziren Skalariak taldekoak aritu-

ko dira gaueko hamaiketarik aurrera Arawak talde gasteiztarrekin batera, baina Gaztetxekoek esan digutenez "jaia bederatzietan hasiko da, orduan zabalduko ditugu ateak, aurreko egunetik itxita egongo baita Gaztetxea, dena gertatzeko. Sarrera 500 PTA izango da".

### Babajana martxoaren 29an

Goizean, mendi irteera Trekutzerara, gosea egiteko. Ondoren, babajana 1.500 pezetan. Izen ematea martxoaren 26a baino lehen.



Skalariak herriko jailetan eskainitako kontzertuan.

## Ainhoa Larrañaga, Idolazeko lehen b

**Maripi Laskurainek bete duen kargua beteko duzu hemendik aurrera. Otsailaren 26an Idolaz Batzar Orokorra egin zenu-ten; zer moduz joan zen?**

Gure ilusio guztiarekin antolatu genuen, baina juntakideez gain, bazkide bakarra agertu zen. Egoera hark bazkideen laguntza eza aztertzeraz bultzatu gintuen, zeren ez da soilik batzarrera ez etortzea, lehen ere inkesta bat bidali genien, euren parte hartze aktiboa eskatzen eta oso

erantzun gutxi jaso genituen.

**Zerbait erabaki al zenuten gainean?**

Erronka berri bati heltzeaz jarraitu genuen; ez daukagu oso argi baina erabakien eta elebazarren munduak hurbiltzen zuten. Zein izan bi multzo horien banatzailea. Ur orain arteko lana baztertu gabe, erabakia izaten saiatu nahiko genuke.

**Horretaz gain, zer antolatu...**



Zurrategi plaza 4, behea ANTZUOLA Tf. eta faxa 78 71 80

Sukalderako eta bainurako altzariak  
Altzari rustikoetan  
espezializatuak



**TXOMIN**  
garajea

Mekanika orokorra

Lizarragako hiribidea 8 ANTZUOLA  
Tf. 78 70 77



# Udal idazkari berria

Gazinema



Aintzane, idazkari berria.

**Bermeoko udaletxetik Antzuolara etorri da Aintzane Ezpeleta arrasatearra. Iñigo Garitanok lagatako kargua hartu zuen joan zen asteko eguenean.**

Udaletxeko idazkari lanpostua bi-tarteko funtzionarioek bete dute azkenengo urteetan. Izan ere, udalak ez du ahalmenik behin betirako langilea izendatzeko, hori Madrilen esku baitago. Horregatik, plaza hori bete bitartean, udalak behin-behineko langilea hartzen du.

Hori dela eta, esperientzia hartzen joan ahala lanpostu finkoa lortzera jotzen dute funtzionario interino horiek. Horixe da Antzuolan azkenengo urte hauetan hainbeste idazkari izatearen arrazoia.

Bi hilabetez Valen Moñux aritu da idazkari halabeharrezko lanetan. Abendutik ez da Gobernu Batzorderik egin eta hartutako erabaki guztiak, alkatetzaren dekretu bidez hartu dira.

## Antzuola, "zubia"

Orain arte udaletxeko idazkari lanetan aritu diren guztiak beste nonbaiten lanpostu fijoak lortu dituzte. Antzuola herri txikia izanda, lan ezberdin asko egin behar izaten dituzte eta gai asko ezagutzera heltzen dira. M<sup>a</sup> Jose Garitanok adierazi digunez "Antzuola beste lanpostu baterako zubia izaten da". Horren adibide dira, Jose M<sup>a</sup> Eraña, Arrasateko udaletxeko pertsonal burua; Belen Txintxurreta, Mankomunitateko idazkaria; Juan Inazio Galdos, Bergarako udaletxean hirigintza sailean ari dena, eta izan dugun azken idazkaria, Iñigo, Arrasateko Ongizate Sailean dagoena.

Martxoaren 20an, eguakitzan, *Memoria Letal* filmea eskainiko dute Gazinemakoek 22:00etan, eta domekan, martxoak 22, *Dragonheart* filmea emango dute 16:30etan. Hilabete honetako azkenengo asteburuan, berriz, *Sleepers* eskainiko dute eguakitzean, martxoak 27, 22:00etan eta domekan, martxoak 29, *Asterix en America*, 16:30etan.

## Patxiko Txerren Txiki ipuingintza

Patxiko Txerren literatur lehiaketaz gain, Udalaren Kultura eta Kirol Batzordeak haurrentzako Patxiko Txerren Txiki ipuingintza antolatu du. 12 urtetik beherakoentzat antolatu dute eta ipuinak idazteko bi baldintza izan beharko dira kontutan; batetik protagonista nagusia Patxiko izatea eta bestetik istorioa Basalde auzoan kokatua egotea. Idazle bakoitzak ipuin bana aurkeztu ahal izango du eta horretarako azken eguna, apirilaren 21a izango da. Partehartzaile guztien artean, liburu zozketa egingo da udal liburutegian, apirilaren 23an, eguena, 19:00etan. Ipuinak udal liburutegian ipiniko dira ikusgai egun horretatik aurrera.

## Udalaren oharra

Deba Garaiko Mankomunitateak aurreikusitako zabor biltegien erabilera eskasa ikusirik, Udalak Hondakinaren Gordailu Alternatiboak jarri zirela gogorarazi nahi du. Etxeetako ohizko zabor bilketa zerbitzuak jasotzen ez dituen hondakinak botatzeko, Bergarako San Kristobal auzoan (Angiozarko errepidean) kokatua dagoen gordailura joan daiteke, 9:00etatik 12:30etara eta 16:00etatik 19:00etara astegunetan eta 9:00etatik 13:30etara zapatuetan.

## ent berria

### rtengo urterako?

Ohizko sentsibilizazio kanpainaz gain, abileraren neurketa eta ikastaro eta jardueren batzuk ere izango dira. Hala ere, programa gure beharren arabera moldatzen joango gara.

### Zertan ari zarete orain?

Urruñako ikastolaren laguntza eskatzen ari gara. Nire ustez, horrelako laguntza gehiago landuko ditugu hemendik aurrera.



IGELTSEROTZA

Jose Luis Zabalo

Birgaitzeak • Fatxadak  
Teilatuak • Sukalde eta bainu gelak

Kalegoi 9, 1a., ANTZUOLA. Tf. 76 60 89



## Gabilondo-Arregi harategia

ABELGORRI-OKELAREN EUSKO LABELA

Kalebarren 14 ANTZUOLA Tf. 76 62 90



# Antzuolari Antzuolatik

Kaxianok *Kantari naiz bizi* liburua aurkeztuko du martxoaren 28an zinean

Orain dela 65 urte jaio zen Kaxiano Iburguren Erautza baserrian, hala ere txikitan familiarekin batera Lizartzara joan zen eta bertan bizi da gaur egun. Bere lehenengo diskoa, *Itsasontzi baten*, 1986an grabatu zuen, baina aspalditik dira ezagunak Kaxiano eta bere soinua.



**E**rronomia bat baino gehiagotan egon zara gure herrian

Orduan artean ez nituen kantuak grabatzen; San Blasen izango zen lehenengo erronomia, gero Andra-Maritan ere egondu naiz Antiguan. Kalebarrengo jaietan askotan izan naiz. Baina bestela ere joaten naiz Antzuolara, kinto eguneko bazkarira; lagun asko ditut bertan.

**Zure lehenengo urteetan, Txomin Garmendiarekin, gaur egun Ausporen zuzendariarekin, aritu zinen plazaz plaza; nolakoak ziren irteera haiek?**

Orduan diferenteak izaten ziren erromeriak; orain hasten diren orduan amaitzen ziren eta dantzarako amorratzen egoten zen jendea.

**Liburuan diozu "Nere nahia beti izan da barnean senti dutena kantuen bidez kanporatzea. Horretarako, dantza-mota edo era askotako eritmoak erabili ditut". Zein da gehien atsegin duzun kantua?**

Nirea beti erronomia giroa izan da; lehen dantza lotua egitea pekatua zen, batez ere herri txikietan, baina balsak dira gehien jotzen nituenak; noski, dantza sueltuan, arin-ariña eta fandangoa. *Itsasontzi baten* eta *Zorionak* dira jendeak

gehien atsegin dituenak, neuri bat hautatzea zaila egiten zait.

**Liburuan 78 kantu bildu dituzu. Horiek al dira dituzun kantu guztiak?**

Papeleratuta neuzkan kantuak horiek ziren, baina badauzkat banaka bazuk gehiago.

**Datorren asteko kontzertuan kantu berririk eskainiko al diguzu?**

Azken diskako kantuak joko ditut, *Soiñu eta kantu* diskakoak.

**Zein da zure jaioterriaz duzun orotzapena?**

Nire burua Lizartzan ezagutu nuen;

ama hil zenean urte pare bat egin nituen Erautza baserrian. Oso txikia nintzen han egon nintzenez, 5 edo 6 urte, baina Moruaren Alardeaz gogoratzen naiz, benetakoa zelakoan negar egin nuela gogoratzen dut.

**Antzuolari eskainitako kantua ere jaso duzu; zergatik egin zenuen kantu hori?**

Beste gai bat hartzen den bezala, jaioterria ere kantu baterako gaia izan daiteke. Kantua egin nuenean, grabatu aurretik Antzuolan egon nintzen iritzia eskatzen eta gustatu egin zitzaizenez, grabatzea erabaki genuen.

**"Kantari naiz bizi", zinetokian**

Kaxianoren liburuaren aurkezpena zinetokian izango da, 18:00etan. Hirugarren mailako neska-mutikoez ere hartuko dute parte saioan, *Antzuolari eta Itsasontzi baten* kantatuz.

■ ■ ■  
*"Agur Antzuolari, gu jaiotako euskaldun txoko zoragarria agur, herritarrei Arrola mendi azpian dugu gure kabia"*  
 ■ ■ ■



Kaxianok ia bere bizitza osoa darama herriz herri erromerietan.

**LARREA**

**TABERNA**

Kalebarren 17  
ANTZUOLA

**igor eta Txomin**

Pintura orokorrean.  
Paper, tela, binilo, kortxo... estalduak.  
Gotelesa, iztukuak eta  
bestelako imitazioak.

ANTZUOLA      BERGARA  
☎ 76 60 39      ☎ 76 19 98

**GOROSTI**

**Taberna**

☎ 76 62 96  
Zurrategi plaza ANTZUOLA

**DESKARGA**

**AUTOAK**

Antigua auzoa z/g Antzuola.  
Tf. 76 62 75